

Cungzcoj Si Cujciz Haiguh Bi 2015 Bouxcoz Nyezrauh Fwencuengh Beizyin Hozdung

崇左市组织开展2015年青少年壮语山歌手培训活动

11 nyied 19 hauh, Cungzcoj Si Minzyijveij youq Ningzmingz Yen Minzcuz Cunghyoz cujiciz haiguh bi 2015 bouxcoz nyezrauh Fwencuengh beizyin hozdung. Cungzcoj Si Minzcunghveij cujyin Cau Lungz、Siminzyijveij cujyin Liengz Cinbyauh caeuq daengx si guh hong minzyij bumwnz bouxfucwz、lauxhangz daengj 34 boux bae daengz yienhciengz yawjngonz Fwencuengh beizyin. Beizyin hozdung cujiciz dangdieg 50 lai boux bouxcoz nyezrauh bouxyaez Fwencuengh camgya beizyin. Beizyinbanh iucingj Guengjsae Canghfwen Bouxcuengh boux mizmingz、Ningzmingz Yen Fwencuengh fwenvuengz

Ganh Saugwnj lauxsae daeuj hwnjdangz.

Gaenh geij bi neix daeuj, aen si neix gak gaep minzyij bumwnz doenggvaq fwen hingzsik, haenqrengz senhconz lohsienq fuengcim dangj caeuq cwngecwz fapgyi guekgya, aeundaej cingzciik gig ndei. Caenh' itbouh fatyienz、swnjcienz Bouxcuengh conzdungj vwnzva maenhndei, coicaenh Bouxcuengh vwnzva hoenghwd hwngfat.

(Luz Gunh/陆琨)

► Beizyin yienhciengz gyoengq nyezrauh nvinhcaen haesib eu fwen.



▲ Beixnuengx Yauzcuz biujyienj daihingz gofoux 《Deihfueng Saenzsien Haengj-gyaez》.

Daengxcungq Angqhoh "Nauh" Yanghging

——Cauhbingz Yen Senhveiz Yauzcuz Yangh Banh Laebbaenz 20 hopbi Gingqdiemj

全民欢歌“闹”乡庆

11 nyied 18 hauh, Cauhbingz Yen Senhveiz Yauzcuz Yangh Mbanjsinhcungh gyong laz haprwenz、fouxlungz fouxsaeciej, geij cien boux Senhveiz gak cuz vunzlai doxcomz youq giz haenx, angqhoh Senhveiz Yauzcuz Yangh laebbaenz 20 hopbi.

Youq seiz angqhoh daihhoh, Swcigih Minzveij Gihgvanh Dangjveij cienciz fusuhgi Liengz Mung' yungz, Hocouh Siveij canzveij、fusicangj Lanz Gyangz, yenveij suhgi Cangh Yifuh faenbied gangjavah, doiq Yauzyangh 20 bi daeuj aeundaej hungloet bienvraq caeuq cingzciik guh cungfaen haengjdingh, gujli gyoengqde fatok giindei, doxgiet buekguh, muengh Yauzyangh gak cuz vunzlai vuenyungz youq ndei, ngoenzcog engqgya ndei.

Gyoengq lingjdauj caeuq hekyouz camgya angqhoh yizsi haenx caeuq Senhveiz gak cuz vunzlai itheij yawj le ciengz daihhingz Yauzcuz gofoux biujyienj gig miz daegsaek minzcuz naekna he. Danggoenz yienjok gungh faen baenz 《Yauzyangh Swnghdai》、《Yauzyangh Sing Gyong Ndei》、《Yauzyangh Mingh Hoengh Mizyxinx》 sam aen ciengciet, youz 11 aen diuqfoux、go、siujbinj daengj gapbaenz, cungfaen yienh' ok Yauzyangh vunzlai geij bi neix daeuj aeundaej hwngfat cingzciik caeuq guhcaemz vwnzva saedcej lai cungj lai yiengh.

(Liuz Feih/刘飞 Banh Ciuhbingz/潘秋平 Lij Hau/李浩 Ya Fungh/夏峰)

Hwngzyen Minzcuz Cunghyoz Banh Gaiq Daihcibbet Yindungvei

横县民族中学举办第十八届运动会

11 nyied 19 hauh, Hwngzyen Minzcuz Cunghyoz daengxcungq lauxsae hagseng doxcomz youq ciengzyindung, doengzcaeaz ciep daeuj minzcuz cunghyoz gaiq daihcibbet yindungvei.

Gaiq yindungvei neix guh song ngoenz, miz denzging caeuq saujsu minzcuz conzdungj diyyuz daengj ca mbouj geijlai 20 aen doxdax hanghmoeg. Ndawde, saujsu minzcuz conzdungj diyyuz hanghmoeg miz ringx gvingz、sam vunz haizgieg doxdax、bau aendomq daengj. Doxdax hanghmoeg hingzsik lai yiengh, hagseng gaengawq bonjfaenh gyaez caeuq daegciengz senj camgya doxdax, hawj hagseng youq seiz yindung ndaej cangqndang, youq seiz yindung daejniemh gij angqyangz guh ndaej baenz.

Hwngzyen Minzcuz Cunghyoz dwg aen yienh neix aen cogaep cunghyoz seizneix guh Cuengh Gun song cungj saw vah sonhag dandog he, hagdangz "aeu vwnzdij coi sonhag, aeu daegsaek caux binjbaiz" guh hong lohnaemj, fatyienz minzcuz vwnzva yienh' ok banhhag daegsaek. Youq guh ndei hagseng binjdaz gyauyuz caeuq vwnzva gyauyuz doengzseiz, haeujlaeg haiguh suciz gyauyuz、minzcuz doxgiet cinbu gyauyuz.

(Cinz Siujdauh/覃小涛)



▲ Hagseng biujyienj fouxsaux.

Ningzmingz: Lajmbanj Dangzgoq Laj Gorungz Lwnhchienz Hajcung Cienzhohi

宁明：乡村大榕树课堂 五中全会大讲坛



▲ Vunzlai cingq dingq gangj gij cingsaenz dangj Cibbet Gaiq Hajcung Cienzhohi.

11 nyied 19 hauh, Swcigih Senhgyangjdonz cwngyenz、Swcigih Dangjveij Senhconzbu canzvubucangj Dangz Vaz bae Ningzmingz Yen Mingzyangh Cin Mbanjdunglangz "dangzgoq gorungzhung" caeuq dangdieg vunzlai hai aen hoih gangj gij cingsaenz dangj Cibbet Gaiq Hajcung Cienzhohi. Danggoenz, Ningzmingz Yen hagsib senhconz gangj gij cingsaenz Cibbet Gaiq Hajcung Cienzhohi hozdung cingqsiik haindung, gyoengqde yaek doenggvaq yenveij cungsimcuj ciendaez hagsib、fwen cienzciengq senhgyangjdonz、vwnzyi cunzyienj senhgyangjdonz、dangzgoq gorungzhung daengj lai cungj hingzsik, bae daengz gihgvanh、giyez、yanghcin、lajmbanj cienzmienh haiguh gangj gij cingsaenz Cibbet Gaiq Hajcung Cienzhohi hozdung, roengzrengz saedyienh gangj gij cingsaenz neix cienzbouh cwgoeb.

(Cauh Yizgangh/周贻刚)